

CIRCUITO CULTURAL 2018

O Concello de Ponteareas, a través da Concellaría de Cultura e Lecer, Normalización Lingüística e Turismo, no seu afán de impulsar e fomentar a cultura popular en lingua galega nas múltiples e variadas expresións artísticas, e en colaboración coas agrupacións con sede social en Ponteareas, e as asociacións culturais e veciñais xestoras das casas ou centros culturais, pon en marcha o CIRCUITO CULTURAL MUNICIPAL 2018.

BASES DA CONVOCATORIA

PRIMEIRA.- OBXECTO E FINALIDADE.

As presentes Bases teñen por obxecto fomentar a cultura popular en lingua galega nas múltiples e variadas expresións artísticas, e en colaboración coas agrupacións, as entidades e as asociacións culturais xestoras das casas ou centros culturais do Concello de Ponteareas a través do “Circuíto Cultural 2018”.

Retribuiráselles ás agrupacións musicais e de teatro do concello polas actuacións autorizadas, e realizadas ao longo do ano 2018, no ámbito territorial do Concello de Ponteareas coas contías establecidas para este fin nestas bases. As agrupacións que cumpran os requisitos, poderán ser solicitadas por unha casa ou centro cultural.

SEGUNDA.- DESTINATARIOS DAS ACTUACIÓNS

Este circuito estará destinado ás asociacións culturais ou veciñais xestoras das casas e centros culturais do concello de Ponteareas, **poden solicitar actuacións, (sen sobrepasar os 600,00€, cos impostos incluídos, no total das solicitudes ata esgotar o orzamento) das agrupacións incluídas no catálogo** que estará publicado na páxina web do Concello xunto coas bases e os formularios no enlace da concellería de cultura.

Unha vez concedida a actuación, as casas ou centros culturais e as agrupacións deberán poñerse en contacto para concretar as necesidades técnicas que se precisen, debendo dispor dun escenario ou marco axeitado para efectuar a actuación correctamente.

TERCEIRA.- INCLUSIÓN NO CATÁLOGO DO CIRCUITO CULTURAL. LUGAR E PRAZO DE PRESENTACIÓN

As solicitudes de inclusión (**Anexo 1**) formalizaranse no modelo normalizado que se facilita no departamento de Cultura ou na web www.ponteareas.gal, e presentaranse, xunto coa documentación no Rexistro xeral do Concello ou a través de calquera das formas previstas no art. 16.4 da Lei 39/2015, de 1 de outubro, do procedemento administrativo común das administracións públicas (LPACAP).

A presentación das solicitudes implicará que se autoriza á institución municipal para o tratamento automatizado de todos os datos contidos nela.

O prazo de presentación de solicitudes será de 15 días naturais e comezará a partir do día seguinte ao da publicación no Boletín Oficial da Provincia de Pontevedra (BOPPO) do extracto destas bases remitidas pola Base de Datos Nacional de Subvencións (BDSN), sen perxuízo da inserción na páxina web do Concello.

Poderán solicitar a inclusión no Circuito Cultural as agrupacións con domicilio social en Ponteareas que entren nos seguintes grupos: (Bandas de escolas de Música, Agrupacións corais, Orquestras de cámara, Bandas de gaitas, Bandas de gaitas, Grupos de gaitas, Grupos folclóricos, Grupos de pandeireteiras, Grupos de teatro, Grupos de playblack, Grupos de playblack, Ranchos de Reis, Charangas, Grupos de rock, Grupos de baile moderno e Grupos de metais, madeira e corda, etc...)

Para seren incluídas neste programa as agrupacións interesadas presentarán a seguinte documentación:

- a) Fotocopia do CIF da entidade
- b) Certificación da conta bancaria e Ficha de Terceiros
- c) Acreditación de exención de IVE, se é o caso.
- d) Relación nominal de compoñentes co seu número de DNI, co nome do profesorado ou director (segundo o caso)
- e) Fotografía da agrupación en soporte dixital con formato JPG
- f) Declaración asinada na que se comprometen a empregar a lingua galega e linguaxe non sexista no desenvolvemento das súas actuacións
- g) Memoria explicativa da actividade que desenvolven, na que se incluírán as necesidades técnicas precisas.

En conformidade co establecido no art. 53.1.d da LPACAP, a documentación sinalada nos apartados **a**, **b** e **c** non terá que presentarse se xa se entregou no departamento de Cultura nos últimos dous anos, sempre que durante ese período non se producise nela ningunha modificación.

CUARTA.- CONTÍA MÁXIMA E CRÉDITO ORZMENTARIO.

As contías máximas que o Concello achegará aos distintos tipos de agrupación con sede social en Ponteareas, son as seguintes:

TIPO DE GRUPO	Subvención do Concello por actuación	Nº Actuacións máximas por categoría
Bandas de escolas de música	250,00	4
Agrupacións corais	225,00	6
Orquestras de cámara	300,00	2
Bandas de gaitas	300,00	2
Grupos de gaitas	175,00	12
Grupos folclóricos	200,00	10
Grupos de pandeireteiras	175,00	6
Grupos de teatro	200,00	4
Grupos de playblack	150,00	4
Ranchos de Reis	250,00	4
Charangas	250,00	2
Grupos de rock	200,00	4
Grupos de baile moderno	150,00	4
Grupos de metais, madeira, corda,	200,00	5
Total do número de actuacións e importe	16.400,00	

O crédito orzamentario total comprende o gasto por importe de 16.400,00€ con cargo a partida 33000/2269905 do vixente orzamento.

QUINTA.- LUGAR E PRAZO DE PRESENTACIÓN DAS SOLICITUDES DAS ACTUACIÓNS

As solicitudes presentaranse no Rexistro Xeral do Concello de Ponteareas, ou a través de calquera das formas previstas no art. 16.4 da Lei 39/2015, de 1 de outubro, do procedemento administrativo común das administracións públicas (LPACAP).

O prazo ábrese ao día seguinte ao da publicación no Boletín Oficial da Provincia de Pontevedra (BOPPO) do extracto destas bases remitidas pola Base de Datos Nacional de Subvencións (BDSN), sen perxuízo da inserción na páxina web do Concello, e rematará o 1 de decembro 2018, sempre e cando non se esgote o orzamento.

As **solicitudes** formalizaranse conforme ao modelo normalizado (**Anexo 2**), que se facilitará no departamento de Cultura ou na web <http://ponteareas.gal/servizos/cultura/bases-cultura/> cunha antelación mínima de 30 días naturais con respecto a data da súa realización e deberá

acompañar unha copia do **DNI** da persoa que representa a entidade solicitante.

É moi importante indicar a **data e a hora da actuación** solicitada.

Toda aquela solicitude que sexa presentada fóra de prazo non se lle garantiza a súa realización.

En caso de que a solicitude non esté debidamente cuberta ou non se achegue a documentación esixida requiriráselle á entidade interesada que, nun prazo máximo e improrrogable de dez (10) días naturais, enmende a falta ou presente os documentos preceptivos coa advertencia de que de non presentalos se considerará desistida a súa petición. En caso de que o requerimento de enmenda sexa corrixido, considerarase a efectos do cómputo da orde de entrada o da enmenda da solicitude.

SEXTA.- AUTORIZACIÓN DA ACTUACIÓN.

No prazo máximo dun mes dende a presentación da solicitude, a Concellería de Cultura informará sobre actuación solicitada.

As solicitudes resolveranse por rigurosa orde de entrada e remitiráselle ao órgano competente a súa aprobación definitiva.

O Concello de Ponteareas apostará pola distribución e o equilibrio á hora do reparto das actuacións dos distintos grupos dentro de cada categoría.

SEPTIMA.- XUSTIFICACIÓN E PAGO

O pagamento das actuacións efectuarase unha vez acreditada a súa realización. A factura presentarase no prazo máximo de 30 días, contados a partir da data de realización da actuación, en todo caso sempre antes do 20 de decembro de 2018. **Ademais da correspondente factura deberá incluírse unha copia do cartel da actividade, para comprobar a súa realización e a correcta publicidade do evento.**

Para tramitar **as facturas** das diferentes agrupacións, éstas **deberá emitilas a persoa titular que figura no CIF** facilitado pola Axencia Estatal de Administración Tributaria e deberán estar **asinadas pola persoa representante da Casa Cultural solicitante, debidamente acreditada.**

OCTAVA.- OUTRAS OBRIGAS DO CIRCUÍTO CULTURAL

Son obrigas dos organizadores:

1. Incluír na publicidade realizada o logo de Ponteareas concello co texto "Colabora o concello de Ponteareas, "
2. Comunicar ao concello a obtención doutras axudas para a mesma finalidade procedentes de calquera Administración ou Entes públicos ou privados.
3. Pactar e consensuar coas agrupacións as datas e condicións do evento e calquera outra cuestión orzamentaria, debendo de dispor dun escenario ou marco axeitado para efectuar a actuación correctamente, sendo exclusivamente un acordo entre as dúas partes.
4. De proceder ao pago dos dereitos de autor á SGAE (Sociedade Xeral de Autores e Editores) os custos correrán por contas dos organizadores e contratantes.
5. Non solicitar máis dunha solicitude por evento.
6. Desenvolver a actuación no Termo Municipal de Ponteareas
7. As actuacións se destinarán exclusivamente a eventos culturais organizados polas casas e centros culturais
8. **As casas e centros culturais poden solicitar varias actuacións, sen sobrepasar os 600,00 € no total das solicitudes ata esgotar o orzamento.** En caso de non esgotar o orzamento, a Concellería de cultura realizará unha nova oferta seguindo o criterio de priorizar aqueles centros ou asociacións que menos actuacións realizaron.

NOVENA.- DURACIÓN

Estas Bases estarán vixentes ata o 30 de decembro de 2018